

Balua na bhisi
 gba Polo pi
 Timoté
 Eli na kalanu

Bhú balua na bhisi gba Polo pi Timoté-e, ani aha líli pi Timoté maka kilí e na kulu inde la di ngateteke ani. Engú na ngbéngbé a ko bua nakibila 'ngú. Polo aha líli pi Timoté ne nato masi bhú ani ngubula nakpokpo 'ngú gba Yesu Kilisito ngbingbili ne nasuno Bádha Ngali na Gandja na Didili di ne bhe na Mbia ndjindji. Pí bhobhomu-o, a ayo di me ani suno eli gba Ebhe-e ndjindji abana likabhu ani ngazu e di ne li okpála ngazu ani lie-o.

Polo atsia agbele 'dje Timoté pindji okpekpeke da 'ngú inde i ti da nakolo li ani ka nali bhú okpekebhe na ngingi inde li tata nde lie ade (2:23) i zu la di ngua ade, a la nga'e okpála inde ngadjedje li ngbili kpadji.

Bhú ndu 'ngú bhomu-o hana-a, Polo ngayo ka Timoté me ani kpata nganda ni di ne namene ongú inde li Polo ngamene e maka nabhuka gba Polo, ne ndja bua gba ani, ne mukunda gba ani, ne nakibila 'ngú gba ani la di ne likabhu ani ngasia bhú mbolo u ngato e li ani-o.

Ongbengbe ongú inde bhú bhuku inde-e ngae inde:

Eli na kalanu 1:1-2

Natoko ne 'he inde a ayo me u mene e 1:3 - 2:13

Líli ne nagbele 'dje ngú nalila li e 2:14 - 4:5

Ongú inde atsia bha Polo kpi e kpi 4:6-18

Eli na soso 4:19-22

Polo yi Timoté mayi

¹⁻² Timoté ndika ma na mukunda, ma aye balua inde-e pi mu ngama Polo. Ebhe abhu nani ma me ma du ne bhulu titima gba YesuKilisito ngu nakpokpo engu na mukobho na duduma. Ani apa nani me ni aha mukobho angoo-o pi ni li kpadji gba Yesu Kilisito ko. A ayo me 'Dyi ni Ebhe ne Ngama gba ni Yesu Kilisito suno bada bhú 'bu gba oo-o pi mu, u dje ndjinga mu, amba u ha di guo 'ngu pi mu.

Polo agie heni pi Ebhe, ani atsia ato di masi bhú Timoté

³ Ma ngagie heni pi Ebhe li 'ngu gba mu-o. Ma ngamene kulu lima pi ani maka onguo ogbi ma adu nani amemene lie-o. Ma ngamemene ne bua nakpokpo ku 'ngu ndjindji. Ma nga'o mu kala Ebhe ndu 'kpi hana. Ngbikpi ne sukpe, nedhinga ma ngayo Ebhe lie, ma nga'o mu kala ani. ⁴ Ma bhundja egba* nani mo oku e, gumu nau mu ma gala bedhe ma bedhe, amba ma bedhe ne djali bedhe. ⁵ 'To ma 'ili 'to nabhuka na kuku inde bhú mu-o de. 'Hi mu Enise ne bhe azu ani na 000, Loisi abhuka ngaiza nani pi mu kalanu. Ma abhuka na paká me ngamu di-e, mu ne nabhuka angoo-o.

⁶ Kaka-a, ma mata ngapa engu inde-e pi mu ne toto: kpo djua bhú angu inde li Ebhe aha e pi mu-o bhú bada bhú 'bu gba e-e ne kalanu. Ebhe aha nani angu angoo-o pi mu nedhinga ma a'o 'kpa ma pi 'ndji mu lie ko. ⁷ Padha de, anga Bua li Ebhe aha e pi ni-e, a ko bua na tsulu de. Engu bini, Bua angoo-o ngabedhe mangbo ni ne angu, ne mukunda di ne namene 'ngu li lelele.

* ^{1:4} ^{1:4} Egbá: Polo a'o nani ka Timoté bhú gudhu na Efeso, ani atsia atapa bhú ndu doto na Makedonia. Ekpi angoo-o, Timoté aku nani egba naali. Tsia bhú 1 Tim. 1:3.

⁸ Kaka-a, mo odjé nɔmɔ li nakpokpo 'ngú gba Ngámá gba ní-e de. Abana ma nde lie bhú tikpu li 'ngú gba aní-e, mo odjé di nɔmɔ ka bhobhomɔ-o de. Engú bini, ziba mangbo nazɔ likabhu ne ma bhú dabili bini ngubula Bádha Ngali ní ngakpokpo e-o. Zɔ likabhu angoo me mɔ nde alɔ ne angu inde li Ebhe ahaha e ko. ⁹ Ebhe akobho ní ngae, aní atsia a'i ní me ní dɔ ne piga gba ní-o. Aní kobho ní ka bádha 'ngú gba ní-e de, engú bini, aní akobho ní ka bádha bhú 'bu gba e di ne ka anga aní akunda nani me a adɔ moko. Kala me aní bho kokpí ne doto-o, aní atima Yesu Kilisito pì ní maka aní abhundja lie, amba ní sia bádha bhú 'bu angoo. ¹⁰ Bádha bhú 'bu bhomɔ-o akoto mbia inde-e bhú mbasɔ, anga Ngámá gba ní Yesu Kilisito ago. Aní andjia angu kuo ngae. Aní asuno pì ní bhú Bádha Ngali-e me ní asia mukobho na duduma masia.

¹¹ Ngama-a, Ebhe abhu ma me ma dɔ bhulu titima, ma dɔ di ne bhulu nakpokpo Bádha Ngali angoo pì okpála, amba ma suno di pì uo. ¹² Ma bhadi ngazɔ likabhu inde-e kabula nakpokpo Bádha Ngali angoo. Engú bini, ma tété ne nɔmɔ ade, anga ma mbila kpála inde ma a'o 'to ma 'to e hana. Ma abhuka la bhadi na paká me aní ne angu ngú nalila kulu inde aní aha e muma-a nakolo li 'kpí aní agó lie-o. ¹³ Ongú inde mo odje me ma nde ngasuno e-e, a ko ongú na kukulu inde a ayo me mɔ kpata e-o. Lɔ kpekpeke bhú nabhuka, ne bhú mukunda inde ní nde ne e bhú nakpɔtɔ líní ne Yesu Kilisito-o. ¹⁴ Lila bádha nasuno inde li Ebhe aha e pì mɔ-o ndjindji. Lila nasuno angoo ne angu gba Bu Bhobua inde ngadɔ bhú ní-o.

¹⁵ Mɔ mbila hana me omabhuka bhelé na ndu doto na Adjia hana a'o ka ma a'o. Fidjele ne Elemodjene di bhú ká uo. ¹⁶ A ayo me Ngámá dje ndjinga piga gba Onesifole-

o, anga aní ateteke ma bhútsibhútsi, aní dje di nūmū li naama 'ngú ka ma nde lie bhú tikpu-o de. ¹⁷ Engú bini, nedhinga aní akolo lie bhú gudhu na Loma-a , aní agili ma ne kekele hana nakolo bha bini li nedhinga aní au ma lie-o. ¹⁸ Mū mbila ndjindji me nedhinga ma adu lie bhú Efeso-o, aní ateteke ma naali. A ayo me, Ngámá gba ní-e gie bádha 'ngú pì aní li 'kpí inde aní akódho 'ngú gba okpála lie-o.

2

Líli pì sudha gba Yesu Kilisito

¹ Ngamū Timoté ndika ma, sia angu bhú bádha bhú 'bu inde li Yesu Kilisito ngaha e pì ní-o. ² Ongú inde mo odje ma me ma nde ngakpokpo e kala bhiti okpála inde adu adje ma-a, suno pì okpála li okpála koko ngaziba o, inde i tí da nasusuno di pì okpála koko.

³ Kibila likabhu maka sudha na babadha gba Yesu Kilisito. ⁴ Kpála inde bhú kulu na sudha-a líli bhú ongú ngangá na doto inde-e de, i du me aní kunda me ni mene engú inde anga li ngámá gba ní-o. Mene bhadi moko. ⁵ Bhundja la di me, i du me okpála nde ngamene ngeme nagu holo-o, li kpála gu maka li líli na ngeme aziba lie de-e, aní sía makalá de. ⁶ Kpála inde ngamene kpéke kulu nalu edyi-e, asía ngaiza ezū na edyi angoo-kalanū ngae. ⁷ Bhundja pìndji ongú ma ngapa e pì mū inde-e ndjindji, mū mene mo-o, li Ngámá gba ní-e há angu pì mū ngú nakə mboli ndū ongú hana.

⁸ Bádha Ngali inde ma ngakpokpo e pì okpála-a, a me Yesu Kilisito ne ndilí gba Davidi, Ebhe azuku aní bhú ká okpála inde amu-o. Mo o'íli 'to mū li aní de. ⁹ Ma ngazu likabhu inde-e kabula Bádha Ngali angoo-o. U ato belegu ma bhú tikpu mūgito me ma amene siti 'ngú. Engú bini,

u to eli gba Ebhe-e bhú tikpu de, eli ango-o nganu bha bini ne kalanu. ¹⁰ Kaka-a, ma ngakibila ndu likabhu inde ma ngazu e hana ngubula nateteke okpála li Ebhe abhu o-o, amba ngauo di-e, u sia mukobho di ne sangu inde ngadu duduma ne duduma ka Yesu Kilisito-o. ¹¹ Engú inde ma adji apa e inde-e, a ko kukulu 'ngú. Engú ango-o ngae inde:

«I du me ní nde amu bhú dabili bini ne Yesu-o,
 ní dú bhadi bhú mukobho bhú dabili bini ne ani.
¹² I du me ní nde alu kpekpeke bhú likabhu
 ní ngazu e kabula Bádha Ngali-e,
 ní ú bhadi ne ani bhú dabili bini.
 Engú bini, i du me ní nde apa me ní mbila ani de-e,
 ngaani di-e, ani pá bhadi me ni mbila ní de.
¹³ I du me ní nde ngamene engú inde i nga li ani de-e,
 ngaani-e, ani djidji lie de,
 ani améne ndu 'ngú inde ani apa me ni améne e hana.
 Padhá de, anga ani tí da namene 'ngú kpi ne bhende
 ani ngapa e de.»

Kpála na kulu inde li Ebhe abhuka e

¹⁴ Ongú inde ma apa e pi mu bhomu-o, kpokpo pi omabhuka ngubula me u bhundja pépé. Gbele 'dje uo li 'ngú inde-e ne 'li Ebhe me u atsí pindji oeli de. Padhá de, anga tata tété ade, a mangbo ngasiti bua okpála inde ngadjedje-o. ¹⁵ La ngamu makpe-e, mene ne kpéke ngú nadu maka li Ebhe akunda lie-o. Du maka kpála na kulu inde ne namu li kulu gba e ade, a akunda napa me, kpokpo eli na kukulu-o pi okpála koko li lelele.

¹⁶ Kpe agolθ na padhá padhá inde i ti ne nabhuka de-e makpe. Padhá de, anga okpála inde adhika li ngua ongú bhomu-o ngayie li kpadji gba Ebhe-e bhubhuku.

¹⁷ La di-e, 'li uo ngayangba bhú ká okpála maka eka inde

ngazidhaka mazidhaka. Imene ne Filete bhú ká okpála ango-o. ¹⁸ U ayie li kpadji na kukulu 'ngú ayie. U ngapa eu pi okpála me nedhinga nazuku ka okpála akodho 'kpí akodho. Kaka-a, okpála koko ayie ka uo li kpadji na nabhuka ayie. ¹⁹ Engú bini, kukulu eli gba Ebhe-e yíe bhú da e de. Eli ango-o maka nepanda inde alu kpekpeke. U atsia aye balua tété me: «Ngámá mbila okpála gba e hana.†» U atsia aye di me: «A ayo me ndu okpála hana inde ngapa me ni ne okpála gba Ngámá-a, 'o namene siti 'ngú ma'o.»

²⁰ Adudu bhú 'ngbé 'ti ne limbi osaani bhelé. U abho osaani koko li olo, u abho okoko li aladja, u agolo okoko li ndula. A pise bha bini li obhobhomu-o de, u abho matá okoko li doto. Osaani bhomu-o li okulu kpikpiki. U nga'o obhende na babadha-a ngú okpí na anokomia, okoko-o, u ngamene kulu ne di ndu 'kpí hana. ²¹ A bhadi pi ní moko. Li kpála 'o namene ndu sisiti 'ngú inde ma ngapa 'ngú lie bhomu-o hana-a, li Ebhe 'ó ani kpi pi e. Ani dú maka saani na olo, anga ngaani-e, ani bedhe ngú namene ndu obabadha kulu hana.

Líli pi bádha kpála na kulu gba Ngámá

²² Timoté, gbe limu li osisiti 'ngú inde li omakombise koko ngamene e magbe. Ngamu bhú dabili bini ne okpála bhende ngayo Ngámá ne bua o bini-e, yi gili namene ngbili 'ngú, ne nadu ne nabhuka, ne mukunda di ne guo 'ngú sunda yi. ²³ Gbe limu li otodu na padhá padhá li tata nde lie ade-e magbe. Padhá de, anga mu mbila ndjindji me ndu 'ngú bhomu-o hana ngagbe tolo. ²⁴ A ayo de me kpála na kulu gba Ngámá-a du natsi-e de, a ayo mangbo me ani du ne guo 'ngú pi ndu okpála hana.

† 2:19 2:19 Tsia bhú Nom. 16:5.

Ani **du** kpála inde ngasuno 'ngú pi okpála ndjindji. Ani **du** la di kpála nakibila 'ngú nedhinga li okpála ziba engú ani ngapa e lie de ko. ²⁵ A ayo me, ani suno 'ngú pi okpála bhende nga'o bhayiki li engú inde ani ngapa e ne **bhuku** bua. Padhá de, anga nedhinga koko-o, li Ebhe há kpadji pi uo ngú nadjí mabhundja gba o ngubula me u mbila eli na **kukulu**-o. ²⁶ Abhomu-o, u hóló matá nabhundja 'ngú ndjindji. U tsia zé bhú ekú gba **Djabulu** inde aholo uo, a atsia a'o di uo sa líli gba ani-o.

3

Engú inde akódho 'kpí li sokpí-o

¹ Mbila ndjindji me bhú onedhinga na sokpí-e, kpekpeke da 'ngú adú naali. ² Padhá de, anga okpála adú nambila bha engú gba o makpe, u adú akúnda tia naali, u adú apa 'li o, u adú obhulu 'ngbé 'ndji, u adú nasobho Ebhe, u dú nadjé okpála inde azu o-o de. U gíe heni pi okpála inde amene bádha 'ngú pi o-o de, u mánga ehe gba Ebhe-e de. ³ U dú ne mukúnda pi okpála koko de, u djé ndjinga obi o de, u adú apa 'ngú li okpála koko sisiti. U hóló bua o ka 'ngú de, u akúnda bha bini namene obi o sisiti, u kúnda bádha 'ngú de. ⁴ U apú obi o pi obhulu yala gba o, bua uo adú ape má pupupu, u tsia dú na'o lío ne abhúlá. U akúnda mangbo engú inde a nga li o, u kúnda Ebhe de. ⁵ U adú namene mugito me o ne okpála gba Ebhe, engú bini, u zíba angu gba ani-e de. Gbe límú de okpála bhomu-o magbe!

⁶ Okpála koko bhú ká okpála bhomu-o ngali bhú okuti, u tsia hóló li ekú gba o-o olisi na padhá padhá 'ngú inde oo. Olisi ango-o abedhe ne gumu 'he ngangá, u atsia abedhe di ne sisiti 'ngú bedhe. ⁷ U ngagili ndu 'kpí hana nambila 'ngú, engú bini, angu uo kolo li nambila **kukulu**

'ngú-o belegu de bini. ⁸ Okpála bhomu-o ngayala nakpata kukulu 'ngú maka Djanesi ne Djambesesi ayala nani nadje 'li Moidje lie-o. A ko okpála li 'ndji o asiti, u bhuka Ebhe na paká paká de. ⁹ La-a, u lúka matá ne di tsutsu de, anga ngingi 'ngú u ngamene e akóto bhú djila ndu okpála hana ngbadha, maka bhe nani i mene Djanesi ne Djambesesi-o.

Engú inde a ayo nabhundja pindji e

¹⁰ La ngamu-o, mo okpata ma ndjindji bhú nasuno gba ma-o, mo ou lele nadhuku gba ma-o, mu mbila mabhundja gba ma-a hana, mu mbila nabhuka gba ma-a hana, mu mbila 'ndjá bua gba ma-a hana, mu mbila mukunda gba ma-a hana, mu mbila kpéke bua gba ma-a hana. ¹¹ Mu mbila likabhu ma azu e ne mbolo u ato e li ma-a hana. Mu mbila ndu 'ngú inde apu pí ma bhú Atiokia, ne bhú Ikoniomu di ne bhú Lisitele hana. Ma azu likabhu na paká paká, engú bini, Ngámá agbegbe ma bhú ndu likabhu bhomu-o hana. ¹² A ne okpála koko inde akunda nakobho maka li Ebhe akunda lie, bhú makpøtø gba ní ne Yesu Kilisito-o . A na paká me u ató mbolo li ndu uo hana. ¹³ La-a, obhulu nazi 'gú, inde di ngapite okpála-a, anú bhú siti 'ngú ne kalanu. U ngapite okpála, li okpála koko píte di uo.

¹⁴ Engú bini ngamu-o, lu kpekpeke bhú 'ngú inde mo okpata e, mo osia di-e ne bua mu hana ko. Mu mbila okpála asuno pi mu-o hana. ¹⁵ Nayie bhú ndili li mu-o, mu mbila Bhuku gba Ebhe-e ndjindji. Bhuku ango-o ti da naha pi mu imbilangu inde ngato kpála bhú mukobho na duduma ka nabhuka Yesu Kilisito-o. ¹⁶ Ndu 'ngú inde u aye e bhú Bhuku gba Ebhe-e hana ayie ka Ebhe. A ne tata ngú nasuno ngbili 'ngú pi kpála, ngú napana pulu 'ngú gba kpála pi e, ngú nali kpála, di ne ngú nasuno

pi kpála namene 'ngú maka li Ebhe akunda lie-o. ¹⁷ Ebhe amene mo-o ngubula me kpála gba ni-e du bedhe na paká paká ngú namene ndu babadha 'ngú hana.

4

Kpokpo 'li Ebhe

¹ Yesu Kilisito agó galikpe mago, aní tsia ú ngámá píla doto. Aní akódho 'ngú gba okpála inde uu ne obhende amu-o. Kaka-a, ma ngaha líli inde-e pi mu kala aní ne kala Ebhe me: ² kpokpo 'li Ebhe, lu pépé kpekpeke bhú bádha nedhinga abana bhú siti nedhinga. Mbe bhú 'ndji okpála inde ngamene siti 'ngú-o, pa pi uo me u 'o namene siti 'ngú ma'o. To masi bhú okpála koko ngú namene bádha 'ngú. Suno ndu ongú bhomu-o pi uo hana li lelele di ne 'ndjá bua. ³ Padhá de, anga ekpí akólo makolo, okpála kúnda matá nadjé nasuno pindji kukulu 'ngú de. Engú bini, u adú nakpata gumu gba o makpe, u tsia pó bhúla omusuno na eu de o. Omusuno ango-o adú apa pi uo ongú inde anga li uo-o. ⁴ U aníni 'dje o li nadjé kukulu 'ngú, u tsia kpáta ongú na padhá padhá inde li okpála ngagbe e bhú 'ndji o-o. ⁵ Engú bini ngamu-o, du naholo bua mu bhú ndu 'ngú hana maholo. Kibila nazu likabhu makibila. Mene kulu nakpokpo Bádha Ngali-e ndjindji. Ndjia kulu li Ebhe aha e pi mu-o.

⁶ Muma-a, nedhinga nandala 'kpa li mukobho gba ma- ngubula me u bholo ma-a akolo masikpe. Nedhinga nabhana líma pi doto inde-e ale. ⁷ Ma agu bádha gbele, ma agu holo akolo alí soso. Ma ndala 'kpa li nabhuka de. ⁸ Mbia inde-e, Ebhe aleke makalá muma abhúlá. A ko ndata na 'ngbθ ndua inde li Ngámá ahá e muma li 'kpí aní akódho 'ngú gba okpála lie-o. Ndata ango-o, a ko ndata na mukobho. Ngámá gba ní-e, a ko Ngámá inde

ngakodho 'ngú gba okpála ngbingbili. Aní há bha ndata ang-o muma kpi ma kpi de, engú bini, aní ahá di pí ndu okpála hana inde ne djalí lí nago ka aní-o.

Polo apa pí Timoté me aní go bhaka ni

⁹ Mene ne kpéke me mu go bhaka ma má gala! ¹⁰ Padhá de, anga Demasi a'o ká ma ka gumu 'he na doto na nakí inde-e a'o. Aní atapa bhú gudhu na Tesalonike. Kelesasi atapa bhú gudhu na Galatia. Tito atapa bhú gudhu na Dalamatia. ¹¹ Luka atigala ne ma sí ngae kpi e kpi. Mu du ago-o, ha Maloko, mu go ne aní bhú dabilí bini, anga aní tí da nateteke ma lí kulu ma nde ne e ko. ¹² Ma atima Tisike bhú gudhu na Efeso. ¹³ Lí mu du nago-o, mu de go muma ne koti gba ma inde ma 'o nako ká e bhú gudhu na Tuluasi agba Kalipusi ko. Go di muma ne obhuku gba ma-o, ane la mane obhende u amene e lí kó 'nu-o.

¹⁴ Alekidjandele, bhulu nabho bolo-o amene ma sisiti naali. Ngámá agié pí aní nakpata lele siti 'ngú aní amene e lí ma-a ngae. ¹⁵ Lila di limu ka aní malila, anga aní ngagu nasuno gba ní-e kpekpeke.

¹⁶ Nedhinga ma akpokpo 'ngú gba ma-a lie bhutsibhutsi na bini kala okpála nakodho 'ngú-o, kpála bini teteke ma de. Ndu uo hana a'o ká ma. Ebhe mbu lí uo tété. ¹⁷ Engú bini, Ngámá ateteke ma ngae, aní aha angu muma ngubula me ma kpokpo eli gba ní-e ndjindji. Ndu omupagano hana inde adu oo adje. Aní atsia agbegbe ma sakpa kuo. ¹⁸ Ngámá agbégbé matá ma sakpa ndu egú lí okpála ngagu ma ne e hana, aní tsia tó ma bhú Nau gba e na abhúlá-o. A ayo me u dhogö Ngámá duduma ne duduma! A adu moko.

Oeli na soso

¹⁹ Pa pí Pilisila ne Akuila, a la di-e piga gba Onesifole me ma yi uo mayi. ²⁰ Elasite atigala bhú gudhu na Kolito.

Ma a'oká Tolofime bhú gúdhú na Milete, anga adú lí aní ne kuo. ²¹ Mene ne kpéke me mú go ei kala nedhinga na zini. Ebulosi, ne Pudene, ne Line ne uo ne Kolodia, a la di-e ondaise ní inde ei-e hana apa me o yi mú mayi.

²² Ngámá dú ne mú. A ayo me, bádha bhú 'bu gba Ebhe-e dú ne yi.

Gandja na Mbia

Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 25 Mar 2022

6b4904fb-f8ce-5931-8218-7cee8914232c